



三才圖會
 卷之八
 雜考
 史論
 史論續
 點

ル 5
 1111
 3



1111
3

三省邊防備覽 水道

淑江嚴如燧輯
安康張鵬芬梓



嘉陵江出甘肅西縣之西嶓冢山南入廣漢白水東南至江州
 注江漢書地理志西縣今屬秦州白水今屬四川昭化江州
 今屬合州又言漢水東南經修城道在畧又東南經槃頭郡
 南在畧與濁水合又東經武城南即畧又西南經關城北在
 羌元屬廣又西經石亭戍州界通志秦州上邽縣嶓冢山西漢水所
 出經嘉陵曰嘉陵江上邽亦屬今秦西漢水出西和縣源出
 嶓冢山此上邽之嶓冢在今秦州又西經鳳縣北小峪河即
 水經注之北川合秦州之紅崖河水西南流注之又經單河



鋪入兩當界又西南野羊河自鳳縣之紫柏山北流合東溝
河水又屈而西北流注之又西南至畧陽界與白水江合又
西南青泥河南流注之又南橫現河東南流注之南經畧陽
城西入渡河即水經注之北谷水寰宇記名黃坡水源發三
川西南流會城東之夾渠河即水經注之東溪水又折而西
流經縣南注之又西南落索河東南注之又西南入寧羌界
黑水河合老兵河西流注之又西南經陽平關西燕子河西
流注之又廣平河東南流注之又西南入蜀之昭化廣元界
按嶓冢山有二一在寧羌州一在秦州在寧羌者東漢水之
源也在秦州者西漢水之源也自常璩以嶓冢為西漢水而

兩漢水之源益多紛錯惟禹貢雖指盡掃羣疑一以經文為
主至為了當按畧陽白水江合故道嘉陵二流可通舟楫其
起陸處經徽鳳抵寶鷄達渭河程四百里通秦隴唐時運道
國初用兵巴蜀軍精亦從此轉輸由白水江南下百餘里至畧
陽縣城經寧羌陽平關入蜀境過朝天關至廣元縣水程五
百七十餘里歷各灘運道所係不可不詳灘名詳註於左險
灘另用小註

白水江下第一灘為燒門子真武灘此二灘最險風窩子龍懼
子險百箭石娃娃灘瓦窰灘烈馬壩灘手扒崖灘董家灘
槐樹灘匪人子灘倒灣山灘廟河壩灘禪覺寺灘琵琶樹

灘王家灘無藏灘磨鈎灘大毛溜灘鄭家灘老鴉架灘花

藍灘此灘最險呂家灘馬蹄灣灘高家壩灘此灘最險魚箭壩灘駱

騾巷灘黑沱灘兩河口灘此處合西和縣河馬連坡灘私錢洞灘

蹇家河灘明水灘瓦口壩灘大燕子灘小燕子灘老鸛沱

灘最險周家灘白崖呖灘大三官灘小三官灘大小三官極險懷鄉

河灘伍家溝灘沙溝子灘險老猫灘石壁子灘馬馬灘鉗

毛灘畧陽縣城以上自白水江起至畧陽縣城止計五十一灘共水程一百四十里磨盤灘

女河灘夾門子灘此灘極險荷葉壩灘大牯牛灘列拐橈灘木

頭灘青背石灘杯杯石灘白雀寺灘泥窩子灘鐵爐灘雙

旋子灘旋槽灘落索河灘鸚哥石灘馬陵溝灘雷灘此灘最險

鬼錯路灘石甕子灘險東沱撮灘西沱撮灘銅釘石灘高

灘子剪刀背灘此灘極險羊肉灘送潮灘險簸箕子灘焦石子

灘篋鬚子灘流溪溝灘毛壩子灘黑水灘鋸亭溝灘皮條

三灘滅河灘跳磴子灘陡張子灘險赤竹壩灘桂花園灘

陽平關灘此處至寧羌州城陸路九十里自畧陽縣起至陽平關止計四十一灘共水程一百五十五里

竈門子灘青便河灘龍門寺灘此灘極險鯉魚灘石龍船灘賴

毛灘竹簷子灘金剛背灘燕子碓灘高角龍門灘觀音灘

最險倒灣子灘木槽溝灘三岔子灘大二郎灘小二郎灘此

灘最險凉水井灘長連子灘青灘廟入川省廣元界太白灘青巖子

灘大灘極險將軍石灘九井灘罐口灘最險彈子石灘吊耳嘴

灘沙磯子灘鎌刀壩灘虎板灘八廟灘鋤背灘三灘蕭家

灣灘謝壩子灘安樂河灘花石頭灘穿眼石灘朝天關灘

由陽平關至此計三十九里峽門口灘險石子灣灘大壩口

灘樓房溝灘新開灘閣王碓灘沙河驛灘飛仙關灘大塘

子灘紫橋舖灘千佛崖灘李家灘碑亭子灘廣元縣城由朝

天關至縣城一十三灘共水程九十三里以上總共大小灘一百四十四灘共水程五百七十八里

漢江發源嶓冢山在寧羌州東烈金壩之西十里江初出細流

涓涓金牛峽水自南來注之至大安驛道林溝水東來注之

至蔡壩玉帶河合廻水河白巖河諸水注之玉帶河發源嶓

冢山西亦漢源也漢流至此可行小舟東行至沮水口沮水

合棧壩諸水西來注之沮水即黑河又東北行至沔縣城西

白馬河北來注之又東行至舊州舖舊州河合山內諸水北

來注之又東下十五里養家河合阜川鋼廠諸水注之又東

下五里黃沙河河北來注之又東下褒城至鼓山烏龍江即

讓水合北棧諸水南來注之又東下至漢中府南岸廉水合

褒城南鄭南壩諸水注之東行至麻柳灣冷水河合紅巖河

法慈院河響水河諸水南來注之漢水至漢中城可行百斛

鉅舟矣又東下至桃花店入城固界文川河北來注之又南

行至城固縣城南沙河合大小沙河南來注之又東行十里

至漢王城潛水河合北山諸水北來注之又東行至洋縣西

謝村橋溢水河南來注之又東行至洋縣西灋水河北來注
一名鐵 又東至環珠廟對岸酉水河合華陽茅坪諸水北
治河 來注之又東至黃金峽口金水河合楊庄河諸水注之又東
 至西縣白沙渡子午河蒲焦西岔諸水南來注之又東行至
 兩河口洋川合木馬沙河諸水注之又東行至石泉界繪溪
 南來注之江至石泉城下馬嶺折而南池河水東來注之南
 至梅湖梅湖山水西來注之又南行至紫陽縣南岸任河即
 大竹河合四川城口定遠楮河雙河諸水南來注之江由紫
 陽折而東二十五里洞河南來注之又五里汝河合界嶺諸
 水南來注之又三十里大道河合六道八道河諸水南來注

之又折而東北小道河南來注之又折而東北嵐河合平利
 山內八仙河平溪河磚坪山內泊河潭水河溢水河四季河
 諸水南來注之又折而東月河合漢陰北山安康北山諸水
 西北來注之漢水東行至興安府南黃楊河合平利北境諸
 水南來注之又東行至神灘溝水南來注之又東行至閬河
 合金河神河水南來注之又東行至洵陽縣東洵河合孝義
 大小仁河鎮安乾祐河心河沙溝諸水西北來注之又東行
 至小棕溪小棕溪北來注之又東下至大棕溪大棕溪合界
 嶺諸水南來注之又東行至蜀河口蜀河合盛家河駱家河
 西岔河諸水北來注之又東行至仙河口仙河北來注之又

東至藍灘漢江北岸為鄖西縣南岸為白河縣藍河自上津黃村南來注之又東至甲河俗作夾河甲河合漫川上津諸水西北來注之板橋河黃沙河均北來注之又東至泥河口泥河自北來注之又東至布袋口天河合直峪河蔡家河澮河徐洞河麥峪河諸水北來注之又東至鄖縣將軍河合紅石河北來注之又東至堵河口塘堵河合竹山竹谿房縣西北境諸水西南來注之又東至馬邑關武陽堰水北來注之又東至鄖陽府城東西溪合左家河北來注之江南折至神定河口神定河南來注之又南至安陽口龍門河東來注之又東至遠河塘遠河北來注之漢江從此東至樊襄折而南徑至

漢陽與岷江會而朝宗於海矣江行水程較陸路為迂漢中府城至城固縣一百三十里城固至洋縣七十里洋縣至環珠廟一百二十里環珠廟至渭門九十里渭門至漁壩九十里漁壩至石泉縣六十里石泉至漢陽坪一百二十里漢陽坪至紫陽城一百六十里紫陽至流水溪一百四十里流水溪至興安府一百四十里興安至洵陽縣一百二十里洵陽至白河縣二百八十里白河至鄖陽府二百八十里鄖陽至老河口三百六十里老河口至樊城一百八十里樊城至安陸府三百五十里安陸至仙桃鎮五百三十里仙桃鎮至漢川縣一百九十里漢川至漢口一百八十里江於夏秋漲發

最畏跑沙至沙陽以下江濶水平始無跑沙之患自均州以上至洋縣皆石灘洋縣以上均州以下則沙灘矣將均州以上著名各灘開列於左

洋縣環珠廟進黃金大峽各灘高羊角險極馬尿漚險極筲箕險極漚險極栗灘子險極九斗米猪灘石大漚險極大峻灘險極仙人掌險極金河口險極鼈灘險極推灘子險極大瓦灘險極老虎灘鍋灘險極大陽灘險極娘娘灘險極牛毛灘險極小渭門險極三花石串灘險極七星壩險極瓦口子險極亂草灣險極大帶塔險極小帶塔險極漁壩灘險極繪溪險極大紅石險極梨園灘險極猴子石險極石馬三灘池河口險極梅湖險極山嘴子險極鬼灘子險極蝦蟆灘險極傅水

河險堽口雪入柴陽斷江石險燕子石險銅鑼灣險草圈險滾子灘險五溜子險鐵練灘險喚姑灘險大劫灘險瓦子灘險大力灘險極高紫陽險低紫陽險鐘鼓灘險長灘險極汝河口險爐子灘入安康折都灘險石門灘險極嘯月池險椒臘險極插魚險極磨兒灘險絲灘險東瓜灘險高陽湖險五塊石險八道灣險高房子險么灘子險大山嘴險小山嘴織女灣險串灘子險火石灘險八卦巖險壘石灘險頭道巖險神灘險極高壁洋入洵陽朱家灣險攔馬灘險窑灣子險三岔河新灘險極鷺鷥灘險孟家磧險構園舖險大郎灘觀音灘險蒿塔大棕溪險極棺材灘禹王灘險老鴉三灘險極紅花灘

極險 鷄公灘 仙灘 大小藍灘 羊皮灘 長灘子

麻河灘 大王灘 白石灘 圪塔灘 羊尾山灘 大

慶口灘 孤山塘 小明灘 老鴉巖 天河口 金漆料

險 黑灘 大連灘 踏魚灘 花梨灣 三連灘 金花

塞 走馬出洞 堵河口 溝陰灘 澇挖灘 淨灘 險 諺

有春澇夏淨斷絕使命之語 小龍窩 火燒石 馬鬃灘

極險 鐵打石 琵琶灘 大小尖灘 龍窩灘 都灘 張

公灘 小穿峽 亂石灘 石門灘 黃瓜架魚梁灘

自此以下多沙灘矣

烏龍江即讓水發源鳳縣東北山內土人稱曰紫金河經雷壩

廳至褒城之長寨入漢江行山中數百里流亦頗鉅唐人議

從此水開鑿為運道距渭水不遠但江兩岸皆石夏秋霖雨

石砰塌江中大者如房如屋小亦如屏如牀極力鑿之來秋

復磷磷滿江矣故不能施工裝運灰石僅至褒城城下自石

門以上小舟亦不能行矣

潛水河發源盩厔山內水流亦大出慶山入城固平壩行走堰

渠鱗次大資灌溉之利兩岸堤難堅築歲虞冲决沙高流濶

舟不能行

洋川發源定遠星子山經定遠廳城蟠折山內數百里西北至

西鄉堰口會木馬河諸水又百餘里入漢江舟行由兩河口

湫流而上可至西鄉城

任河發源四川城口之黃墩自城口蟠折數百里至大竹汛始能行船下瓦房店至紫陽城南岸入漢由紫陽沂流至大竹汛三百六十里可行數十石小船花布自襄樊藥材自川省多從此載運

月河發源漢陰廳東北山內廳境資其灌溉而水流不鉅小舟僅可行三四十里

騰粉日行一百六七十

嵐河自平利兩扇門來合界嶺東北八仙河四季河漳河滔河諸流繞磚坪至安康縣嵐河口入漢其流甚長俗有八百里嵐河之稱河兩岸多石與烏龍江相似故小舟湫流而上僅

可行數十里

黃楊河發源平利南山會獅子壩舊縣諸山溝之水至安康城東十里入漢小舟僅可行二三十里

間河合源出董家梁之神河源出梓木樹埡之金河源出平利東山之壩河北流入漢小舟可行至神河口西從壩河進亦不過三四十里以載薪柴不能運貨糧也

洵河發源寧陝老林至孝義鎮安境曰大仁河小仁河東至兩河關與源出鎮安秦嶺之乾祐河相會東南至洵陽縣城入於漢江其流甚長小舟名獨撐子載貨糧七八石由仁河進者可至猴子三灣由乾祐河進者可至下茅坪漢興兩郡之

水惟紫陽之仁河與此河可行數百里於輸轉稍有益餘或可資灌溉於載運不能得力也

甲河一名吉水俗稱夾河源出秦嶺北鵲嶺關東南流至漫川關可通小舟名獨撐子可載貨十數石又東南流至鄖西上津堡名上津河又折而東南至甲河關注於漢江關在白河縣北岸至縣城三十里

天河發源陝西山陽縣天橋北流八十里爲圓澤潭入鄖西縣界南流凌雲寨又東經南關折而南八十里至布袋口又北流南折入漢江明知縣黃翊修濬可行小舟康熙五十三年溪水暴漲凌雲寨以下俱淤失故道乾隆二十六年知縣胡

廷槐疏濬路徑稍通

堵河會竹山竹谿諸山溪之水至鄖縣西六十里堵口塘注於漢江由堵河上六十里至黃龍灘又上至化峪河對寺河至竹山縣城三百六十里又由竹山西南泝流而上至兩河口從龍堰河塘水坪塘至竹谿縣城二百八十里均可行小舟水必源於山水必從山澗流出始至平壩秦中山多石土相雜其形方而削遇霖雨過多石土中酥則土石坍塌山溝溪河之中蜀山銳而根大其石甚堅緻石自石土自土故雖險雨水不能淋漓溪澗中少壅塞漢興兩郡漢江嘉陵江而外惟任河洵河小舟可行數百里餘則流雖大不能資以轉運蜀中各郡有

水之處無不可行舟者與吳楚相似邊徼有事軍糈為要舟運之與背負勞費懸絕矣

夔州府之水在大寧巫山者曰馬連溪俗稱為大寧河水經注稱其出於萬頃池今查大寧太平老林山內並無所謂萬頃池者河有二源東溪出一碗泉會苦草壩之水至神鹿坪西溪出九龍池會河口之水至下保河又東下至兩河口會東溪水合流至譚家墩鹽廠溪發源紅池壩西來注之南下大寧折而東南至水坪入巫山界大昌各山溝水西來注之至巫山縣城東流入於大江此河小舟自鹽廠至巫山水程二百八十里小舟上下運載鹽米雜貨其至兩河口則運煤薪

而已

雲陽縣之水曰雲陽河至縣城東十五里注於岷江小舟運載可至雲安廠

開縣之水曰開江西溪一支發源新寧之霧江坎經臨江市東流七十里至縣城北溪一支發源雪泡山至溫湯井南流六十里至縣城東江與西江相會水道考稱發源達州萬頃池者非也大寧在開縣東北四五百里而達州在開縣西北四五百里重山疊嶂相隔千里既為開江之源又何緣為大寧河之源開縣東溪舟行至溫湯井以上則運煤薪而已西支舟行可至臨江市會流之水東南一百二十里至雲陽之高

陽又六十里至小江口注於岷江

太平廳之水分爲前河後河中河三源後河源出於定遠交界之皮窩鋪南行七十里出水泉梨樹溪注之南過太平廳折而西南至長壩有源出八臺山之白沙河東流注之南行八十里至羅紋壩水流稍深小舟從此運載又南行八十里至東鄉普光寺與中河會中河出廳南白芷山會打杵溪响水洞井溪之水西南至固軍壩爲太平營汛又西南行八十里至普光寺與後河相會二水合流東南行至東鄉城江口與前河會前河源出廳境東南椒子壩各老林濛濛溪柳家壩諸水小白沙河北來注之又西南過亮壩子大灘河至石子

溪水北來注之又西南行八十里至東鄉城江口與後河中河相會合流而南至綏定府折而西至三匯與巴江合再西至渠縣與渠河會名曰渠河折而東納大竹之東流溪至合州渠口與嘉陵江會折而東至重慶府北入大江中河舟行可至固軍壩前河舟行可至大灘河

巴江源出南江縣巴山東源自貴門關西源自分水嶺至南江縣會流南下納南境沙河子李家寨代羅觀諸水行一百八十里至巴州城東又東南行至曾口恩陽河納石人河古溪黃柏溪諸水西來注之東南至澌安陀澌安陀黑山溪東來注之又東南至江口鎮與通江諸水相合通江水有數源東

則定遠之漁渡壩水長嶺河水至姚家壩入縣境竹峪關西繞亂石子洪口九子坡下至洪山塘北則源出定遠塔壩河經三元壩明洞子至簡池壩西南納兩河水過洪山塘毛峪鎮至通江縣城南西北出巴峪合平溪板橋涪陽繞縣西至南與毛峪關河會流南下老關廟至納溪口司灘河陰背場黃家溝水東來注之又西南過元山場至江口場與巴州河會流下風灘白衣庵龍會沱而至三匯大約巴山之水自定遠毛埡子分界南則千支萬派盡歸巴江北則千支萬派盡歸漢江則巴山固天之所以界秦蜀也巴江小舟可行至巴州城通江小舟可至鎮龍關

東河出廣元百丈關之東北寬灘河腦城墻巖各老林經喻家河東河板廟場元壩子梁山關至閬中縣東河口注於嘉陵

江

南河出廣元五郎關後老林經元灘場大石壩至廣元城南南河口注於嘉陵江

岷江源出岷山自松潘衛西北至番界三支並下至下游諸郡漸次會合東下湖北之巴東縣而入楚界其間若金沙江則自雲南之兆勝州總滇省西北諸支流至四川之馬湖而入江嘉陵江則自陝西之寧羌州總甘肅東南諸水至四川之合州會涪水為內江東至重慶府而入大江大江合三省之

水盤折數千里源遠流長故與黃河各爲南北衆流之長江之在川者兩岸束以高山川楚之交石峽千餘里至彝陵以東始入平原故自來江患蜀地絕少然峽愈峻水愈深流愈迅急順流而下瞬息百里溯流以上則處處皆險灘瞿塘灩澦特其名之最著者耳故輸輓維艱

丹水河發源秦山在嶺北者爲藍水在南者爲丹水水經注丹水出秦塞東南流與清池水合又東流出武關入河南內鄉縣界又東南合於浙川下流與均水並流而南入於漢今考丹江在商州城南一里許東南流九十里至龍駒寨又東南下四百里至荆子關南行五百里至湖北光化縣之江口入

漢江此河通舟楫西人估吳楚者從此行走以龍駒寨爲碼頭雇募舟驟行棧均在寨場夏秋水漲小船可至商州城陝西採買滇銅洋銅鉛筋由此轉運爲漢唐時荆揚漕運關中之一道河中石多灘險屢加疏鑿

三省邊境可通舟楫者只此數水渭河源發甘肅渭源縣之南谷山東由烏鼠山而下經清水縣而西入鳳翔府之寶雞縣繞扶風武功盩厔郿縣而行並非山內也

唐時都關中江淮之米多由漢江溯流而上不專恃河運史稱明皇幸蜀至扶風江淮貢獻適至其明徵也由老河口之上進寨河卽丹水小舟可達龍駒寨陸路至西安不過四五程梁州

金州均在水次軍興之時江西湖廣轉運接濟者由漢江而進但漢江灘高流急鄖陽之龍窩洵陽之藍灘新灘其險不減灤灤船質稍脆薄遇石輒破江西運員彭淑湖北當陽人諳漢江水道所運之米專募湖南永州剝船船既堅實人亦耐勞故虧耗獨少至湖南糧米多用本省原船省一番搬移即少一番耗損米又用布袋竹篾裝盛船戶難以偷竊遇有磕損便於起救尤經理之得宜者

川江險灘鱗次相連其著名者報部有案各灘設有救生船以備不虞雲貴運京運楚銅鉛船隻例由瀘州銅店上兌至重慶府齊幫川東道盤驗開行護送至楚境每起船二十三隻共須

槳夫船戶約計千人沿途州縣於銅鉛船入境必派撥兵役護送運員將所執兵牌送至州縣署粘貼印花以昭慎重但定例船身入水只准二尺八寸而各船吃水往往在五尺以外板主任意攬裝客貨丁役貪其小利運員不行禁止以至船身過重行使不能伶便遇風過淺致有疎虞則欲便運船之行走快者不致失事必須嚴禁板主不准攬裝庶幾可耳

山內聚人最多不可籍記在陝爲木紙各廠在川爲鹽井匠作私販咸壯健人夫自食其力廠中非遇山內清風糧貴停工則人夫不致散而滋事井中匠作歲歉不歇業鹽販非改配引商與之爭口岸立卡攔截亦不至生事川東之可虞時宜防範者

三省邊防備覽

在大江之水手川江大船載客貨由漢陽荆宜而上水愈急則拉把手即繚夫愈多每大船一隻載貨數百石繚夫必雇至七八十人夔門不過經過之地至重慶府卸載客商改雇小船分往川北川西南其嘉陵渠潼瀘涪等江各有熟水道水手板主另雇而行荆宜所來拉把手在重慶府河岸各棚待下水重載之雇募下水重船需水手較上水為少每隻多止三四十人計重慶所至上水船每日以十船為率是水手來七八百人所開下水船每日亦以十船為率是水手去三四百人以十日總計河岸之逗畱不能行者常三四千人月計萬餘矣此輩初至尚存有上水身價漸次食完則賣所穿衣服履物久之即成精膊溜

矣山中惡少無衣履赤身者謂之精膊溜弱則為乞丐強則入咽喉夥黨有力者或負鹽販傭作年穀豐登日食十數錢尚不至流而為匪否則人聚過多良莠不齊饑寒生盜心矣此輩既不能禁其不來而別無良法以處之可畏也

由巫山入川境至成都沿江設有水卡卡相距十五里各州縣視江程遠近設卡十數處二十餘處不等每卡安夫役二名稽防夫役工食暨卡中所用旗鑼由州縣捐給捐製每年川東道委員查卡十次省中委員查卡一次曉諭往來船隻停泊水卡以免疎虞然船隻行江遇風遇淺不能按定行程至晚可以避風暨不至淺擱之處即行停泊未能悉在水卡也

江岸停畱水手流而爲匪者往往竊沿江人戶所用市賣食物薪柴小船順流夜行遇孤舟停泊卽攏船估要錢文名曰吃誣錢稍不稱意至船搶掠爲行旅之害必水卡夫役往來巡查並飭沿江小船至晚皆收歸幫各將橈舵攜回家中庶竊船亦爲無用

漢江在渭河岷江之中兩面皆有高陵長林賊可據爲巢窟擾亂地方故當軍興時漢江之防守最嚴但查漢江自城洋以上至沔縣沮口三百里淺瀨磷磷冬春水涸揭裳過之民間病涉架木橋以渡者數十處每年霜降後橋成立夏後拆之三百里均宜把淺安得有如許兵且陸路繞沮口之上其程固無多則

城洋以上防江竟爲空談矣自洋縣以下至洵陽之藍灘岸夾崇山江面雖不寬水流頗深中間之可躡而過者西鄉之七星壩上下安康之五塊石洵陽之高壁洋向皆有失事之案均宜設重卡防堵惟漢江近年來因老林開闢至夏秋漲發各山溝輒擁沙堆石磊積於江中亂巖險灘多昔無今有而河身墊高躡淺可過者不止著名之四五地方往時水淺之處或竟漸次刷深審度形勢未可膠柱而鼓瑟也

漢江上游亦有停畱水手但漢江水險所通僅止興安漢中兩郡民風尚樸上水貨船花布爲多其他蘇廣之貨難以消售來漢興者甚少故上水船隻亦屬寥寥遇歉歲卽囊就食之民間

或攜家雇舟而來年穀豐登則此類人稀見也

東西二漢水辯

王士正

漢水有東西二源自桑欽常璩酈道元以來諸說紛紜膠
轄不解予嘗兩入秦蜀于東漢則探其源于西漢則窮其
委因爲辯之按百牢關下有分水嶺嶺東水皆北流至五
丁峽北合漾水入沔而爲東漢嶺西水皆南流逕七盤關
龍洞合嘉陵水而爲西漢常璩云漢水有二源東源出武
都氏道縣漾山因名漾西源出隴西嶓冢山會白水經葭
萌入漢始源曰沔故曰沔漢酈注引漢中記云嶓冢以東
水皆東流嶓冢以西水皆西流卽其地勢源流所歸故俗

以嶓冢爲分水嶺卽此推沔水無西入之理又云東西兩
川俱出嶓冢而同爲漢水按常氏以沔爲西漢水其說純
謬酈注辨之臆矣又謂東西同出嶓冢則非也且桑欽謂
漾水出隴西氏道嶓冢山東至武都沮縣爲漢水而曰至
廣魏與白水合又至葭萌縣與羌水合是以漾爲西漢水
也又謂沔水出武都沮縣東狼谷中又曰沔水東南逕沮
水戍東南流注漢是以沔爲東漢水也酈氏兩疏之而未
辯其非夫禹貢嶓冢導漾東流爲漢漾之東流見于經者
顯然如此余過武都嶓冢山下詢漾水土人指涓涓細流
東南入沔者卽是則漾入沔合流而東其爲東漢水其源

流甚明而其上流又出分水嶺以東之水穿五丁峽而與漾合常氏既附會漾山之名以為東漢所出又妄以沔出嶓冢合白水為西漢是明與嶓冢導漾之文相悖桑氏又析漾沔為二條其流迥別至云漾合白水羌水則與禹貢東流為漢之文又大刺謬今按通典嶓冢山有二一在天水上邽一在漢中金牛山雍大記云西漢水在西和縣源出嶓冢山西流與馬池水合此乃上邽之嶓冢在今秦州又云漢江源出沔縣嶓冢山東流入金州此乃金牛即五丁峽之嶓冢禹貢嶓冢導漾乃沔縣之嶓冢非秦州之嶓冢知嶓冢有二則東西二漢源流各自了然漾之與沔本為一

流與隴西之嶓冢都無交涉常氏之誤可不辨而明矣沮水出武都東狼谷東南流注漢水經此條在沔水下而此又云漾水出隴西嶓冢山東至武都沮縣為漢水不惟兩漢水皆合於沮必無是理而漾水近在武都之嶓冢反遠引隴西之嶓冢東流至武都為漢其誤總在以兩嶓冢為一山故自為矛盾如此酈氏於漾水條下又云通谷水出東北通溪上承漾水西南流為西漢水則未嘗按脉察理而牽合桑氏之說以成其誤不知漾水實東南流無由西南流與嘉陵白水相合也山海經云嶓冢之山漢水出焉東南流注於沔郭璞云在武都氐道縣南蘓氏書傳云漢

始出爲漾東南流爲沔至漢中東行爲漢皆謂東漢水也
其嘉陵江自兩當峽陽出陽平關至朝天峽南逕廣元縣
又南逕昭化縣白水江自階文來入之酈氏所稱西漢水
南入嘉陵道而爲嘉陵水常氏所稱會白水經葭萌桑氏
所稱至廣魏與白水合又至葭萌與羌水合者皆謂西漢
水也黃氏曰抄云漢水二源一出秦州天水縣謂之西漢
水恭州巴中縣入江今重慶府巴縣一出大安軍三泉縣謂之東
漢水至漢陽軍入江觀此則二漢水源流益洞然矣何紛
紛聚訟爲哉

丹江轉運紀畧

唐中宗時崔湜建言山南可引丹水通漕至商州自商鏡
山出石門抵北藍田可通輓道中宗以湜充使唐書崔湜傳

宋歐陽修漕河議畧曰臣聞漢高祖之入秦不由東關而
道南陽過酈析而入武關曹操等起兵誅董卓亦欲自南
陽道丹析而入長安是時張濟又自長安出武關奔南陽
則自古用兵往來之徑也臣嘗至南陽問其遺老云自鄧
西北至永興六七百里今小商賈往往行之初漢高入武
關其兵十萬夫能容十萬兵之路宜不甚狹而險也但自
洛陽爲都行者皆趨東關其路久而遂廢今能按舊而通
之則武昌漢陽郢復襄陽梁洋金商均房光化沿漢之地

十一二州之物皆可漕而頓之南陽自南陽為輕車入輦而遞之募置遞兵為十五六舖則十餘州之物日日入關而不絕沿漢之地土多美木近漢之民仰足而有餘以造舟車甚不難也前日陛下深恤有司之困內賜金錢數十萬以供西川而道路艱遠輦運踰年不能畢至至於軍裝輸送多苦秋霖邊州已寒冬服尚滯於路其艱如此不若較南陽之旁郡度其道里入於武關與至京師遠近等者與其尤近者皆使直輸於關西其迂曲簡直利害較然此

陸運之利也

歐陽文忠集

元祐中杜紘為大理卿因言陝西常窘兵食若養兵唐鄧

間以備西戍經商於阻邊畧與陝西內州軍道里等平土

易運用以飛輓利甚溥事下本道議者不達遂寢

鶴肋集

康熙三十二年以關中西鳳饑將襄陽存倉米三十萬石

由丹水運至商州轉運西安減糶濟民

命學士德珠楚督丁思孔襄鎮殷化行董其事造舟濬流於二月

六日自襄裝發三月抄達龍駒寨即轉遞四月初抵西安

開糶會時和麥登穀價驟平流散者悉歸始報罷計自襄

陽府城溯漢江歷穀城光化至均州之小江口二百八十

里入小江口經河南內鄉境至浙川一百六十里又百五

里至浙屬之荆子關又百一十五里入秦境為商南之徐

家店又百一十里竹林關百一十里龍駒寨自襄至寨水路凡八百七十餘里其間多支河流入其灘之險而可名者一百三十有奇至寨則陸運百里至商州又九十里秦嶺舖踰嶺七十里藍橋四十里陟七盤至於坡下經狄寨原則七十里由藍田則九十里並抵西安城由龍駒寨至西安山路凡三百七十里襄陽至小江口多民船大者可載百數十石入小江口概用扒河船間用舢子船載可二十石遞減而過徐家店僅八九石船數易其價量給自襄至寨總計每石水脚銀五錢自寨用人夫背運或驢騾倍馱運人五斗驢騾倍疑過七盤下則單輪小車及橐駝並

可行分三百七十里為十二站時山中食貨騰貴每五斗運一站給銀五分通水陸脚價每石費銀一兩七錢米每五斗盛以布囊縫而識之率夫有長司站有官押送有兵收發有單遞相換驗且暮勾稽石稱斛量無敢侵耗

圖記

康熙五十九年漕運總督施世綸奉

命到陝賑恤題請將湖廣荊州等處各倉米十萬石由襄陽水運至商州龍駒寨每石需水脚銀一兩由龍駒寨陸運至西安每石需夫役銀二兩接濟荒民
康熙六十年施世綸復

奏請撥運豫糧十萬石接濟陝西悉照前議惟自河南府陸運至陝州因春夏農忙從開歸護糧道吳柯之請加增腳價每石每百里給銀一錢

雍正九年二月十六日奉

上諭陝甘二省連年豐稔官倉存貯既多民間亦家有蓋藏採辦易便是以軍興以來儲糧充裕而民食亦寬然有餘但天時不可預必當於既富之時先籌有備之道而欲儲數年之積蓄不得不藉資於鄰省查鄰省如山西河南之米石若由陸路輸輓所費甚多且恐勞民若由水運則有三門砥柱之險聞從前曾以湖廣米石由水運至商州轉運於西安上年湖廣歲收甚熟

今可否於湖廣採買米石循舊運之道運貯商州以備轉運着大學士等議奏欽此議得從前運米自荊州府運至襄陽由漢江湖流而上雖路經二千里而可以大船裝載需用水脚無多自襄陽漢江進小江口入丹江江流漸漸淺狹祇容百石之船至河南所屬之淅川縣荆子關雖灘高水淺用小舢扒河等船可以輓拽而上又自荆子關至陝西商州之龍駒寨溪流瀉急間有灘石隨時挑濬可以行運自小江口至龍駒寨共計水程六百二十餘里再於龍駒寨陸運經熊耳秦嶺七盤等山計程四百一十七里遂由藍田縣至西安皆係山行小路不通車輛從前運送米石僱募

人夫每人背米五斗日行五六十里大約騾馬驢隻馱載亦尙可行臣等查據康熙五十九年

奏冊自襄陽至龍駒寨水運腳價及打造船隻挑濬灘河之費每石需水腳銀一兩自龍駒寨至西安每石需夫役銀二兩是湖廣運送米石既有成效事在可行今運米貯商州既可省陸運之費將來設有用處轉運亦易應照康熙五十九年之例令湖廣督撫運米十萬石水運送至商州尋因署陝督臣查郎阿疏

奏運價繁多西安連年豐收倉廩儲積有餘商州萬山之中地方褊小難以久貯暫停運送

雍正十年十二月經畧陝甘軍務大學士伯鄂爾泰

奏准陝省存倉穀九十餘萬石散貯五府十州延安榆林及葭鄜綏地處北邊漢中興商僻在山南其所貯積穀止自備本處緩急難以轉運通濟歷來酌撥軍糈惟取給西鳳二府及邠乾耀華同五州自今五州之穀亦只可自供儲備是爲軍需民食計輓輸備貯皆當急爲籌畫伏查雍正九年二月奉

旨令於湖廣採辦米石循舊運道運送商州以備轉運續據署陝

督臣查郎阿以運價浩繁

奏請停止再查康熙三十二年並五十九年兩次將湖廣米

石運送西安俱著有成效臣等細查楚省今歲豐收每米一石不過六七錢其造船疏濬灘河及僱募馱脚等費每石不過二兩有零是現今運米一石約需三兩若下次接續運送則造船濬河之費尙可稍減而源源輓運蓄積充盈於民食兵糧實兩有神益令湖廣督撫於明春先運米十萬石或動撥倉廩或就近於襄陽等屬米賤地方採買酌量辦理

雍正十一年正月兵部尙書署理陝西巡撫史貽直

奏准豫楚二省各撥運米十萬石水陸並進遴員押運陝省差員在於潼關接收豫米龍駒寨接收楚米並收豫楚口袋轉運西安或減價平糶或借給窮民臨時辦理此次撥運一切食物草料倍昂從前河南府陸運至陝州每石每百里一錢者應照軍需案內每石每百里給腳價銀一錢六分其自陝州靈寶閿鄉僱民船運送由三河口分載渭河洛河黃河各水次交卸者每石每百里給水價銀四分自水次入倉遠近不等按里數每石每十里給腳價銀一分六釐其楚米由襄陽至龍駒寨亦無庸打造船隻若僱民船運送則原議每石一兩尙可節省一錢自龍駒寨起旱或騾馱或人負原議每石二兩尙可節省一兩臨時咨商豫楚督撫酌量增減據實報銷

三省邊防備覽

丹江沿途各灘

丹江自龍駒寨東南一里為界牌石灘又一里為黃壩灘
 又三里為狼窩子灘又三里為資峪口灘又一里為蝦墓
 口灘兩岸有石如門又二里為大小鷄冠灘又二里為大
 小槽口灘又一里為月兒潭又十二里為張家背灘又一
 里為雙廟子灘又八里為鐵爐子灘又一里為鐵牀子灘
 又三里為閻王碓又七里為大小毛家灘又四里為大小
 長灘又三里為棺材石灘又七里為湘子灘又三里為棟
 子樹灘又六里為大小飲食灘又二里為菊花嘴又六里
 為桃花站又一里為手扒灘又四里為顧氏峽又四里為

石碑子灘又四里為王家園灘又三里為十八盤灘又四
 里為三皇灘又一里為蘇溝灘又二里為孤山子灘又七
 里為馮家園灘又六里為大小桑園灘又四里為堰口灘
 又三里至竹林關自龍駒寨至此計一百二十里又入山陽境一里為州
 河口與銀花水合又十餘里至古樹扒兒灘又三里至雷
 家洞自州河至此計一十四里又南入商南境三里為王家洞又八里
 為姚家站灘又七里為木巨石灘又二里為梁家灣又一
 里為皮鉢子灘又一里為回回鼻灘又六里為周家灘又
 六里為鴛鴦灘又二里為戴溪河又四里為紅白蘿蔔灘
 又四里為香毛灘又二里為鐵匠樹灘又二里為竹裏溝

又一里為羊皮峽又七里為武關河又五里為畢家洲又
五里為呀虎灘又八里為觀音灘又四里為跣踏灘又一
里為新灘又四里為瓦房灘又十四里為師婆子灘又三
里為鼈灘又五里為皮狐子嶺灘又四里為官渡灘又五
里為黃龍尾灘又五里為徐家店灘又四里為龍虎三灘
又六里為草場灘又四里為巴東灘又五里為青泥渦又
一里為黃石梁又四里為烏龍灘又四里為重盤灘又四
里為猪槽灘又一里為滾子溝又五里為釣金崖又十五
里為木耳灘又十里為香花溝又十里為連灘又十里為
馬鞍灘又四里至梳洗樓其下為不靜灘又六里為亂石

灘又八里為白石灘入浙川界自雷家洞至此計二百二十里

三省邊防備覽 水道續

安康張鵬玠輯

水道

蜀水攷 節錄

陳登龍

寰宇記嘉陵水一名西漢水周地圖水源出秦州嘉陵因名嘉

陵水水經注漢水又南入嘉陵道補注在今陝西鳳縣漢故道

名故道水亦名嘉陵江故道城在鳳縣西北與今秦州東而為

嘉陵水世俗之名為階陵水補注魏置階陵縣屬仇池郡在今

流迤階州東北及縣非也水流四十里至明月峽原注一名朝

在廣元縣與濟水會補注在廣元縣北八十里爾雅水自漢出為潛郭璞注

有水從漢中沔陽補注今陝西沔縣漢中郡隋初省西南流梓潼漢壽

縣原注今昭化縣補注本古苴侯國蜀王弟葭萌所封秦漢昭化入大穴中通罝山下西南潛出一名沔水即禹貢沱潛既

道之潛也舊志在廣元縣北八十里源出木寨山下補注在廣

百三十里山南十餘里為神宣驛又南二流五里入神宣驛龍

洞補注自朝天驛入谷十五里有三石洞水至朝天驛北穿穴

而出入嘉陵江嘉陵江又南流合滌溪水原注水源出金山上

縣西蓋即水經注所云平阿水也補注滌溪金山俱在廣元

元縣北三里山一名金城山滌溪環其右孟蜀於此置金山砦又

經廣元城西南流八十里合漢壽水流入漢水補注源出東山西

南又三十里入昭化縣界又至縣東北合白水江補注在昭化

一名江源出甘肅階州萬山中流漳臘公哈口補注經南坪補

在松潘廳東北為文縣強家坪補注今屬階州八平武縣界合牛頭河

番考出沒之所補注一名靈寶河水經謂之西又東南流一百一十里合清水

谷水自平武縣流入昭化縣界補注在昭化縣西北二十里

河補注在昭化縣西北二十里水經注清水出平武東北補注即青川溪南

流經平武城東屈經其城南又經平樂郡東南屈而南經南陽

僑郡補注東北又東南經新巴原注在劍州西北補注宋元

為郡治魏始平原注今平武縣西北九十里補注宋置始

未徙廢南入利州原注在廣元縣東界補注後魏置西益州其水清

亦曰噭狐水方輿勝覽又作醍醐水在青川縣補注青川故城

九十里唐天寶九年置青川縣明元一統志青川溪源出西番

洪武初改置青川守禦千戶所補注青川縣在平武縣東北一百二

界東南流經青川所南補注十里即故青川所今平武縣丞駐此又

東南經龍安府東一百二十里下流合白水白水又經黃沙壩

名黃沙江補注又東南十里至昭化縣城東桔柏津補注在昭

里補注嘉陵白水二江合流處又昭化合嘉陵江補注在昭化

驛有古柏土人呼為桔柏因以名津陵江又南曲流一百一十里經劍州界入蒼溪縣界中經石龍

白花蛇散灌掛溪紫石陶魁壺歌虎躍漩口射箭諸灘補注石

昭化縣南二里白花蛇灘在縣南七十里散灌灘在縣南

一百五十里掛溪以下諸灘皆在劍州境俱嘉陵江所經奔流

而南注又東南曲流六十里經蒼溪縣城東北過離堆山下補注

在蒼溪縣顏真卿摩崖記山臨嘉陵江直上數百尺不與眾山

連屬故曰離堆廣輿記蜀中有三離堆蒼溪其一也在漢為宕

渠塞又有五擔山筆塔山皆在縣東補注筆塔山在蒼溪縣東

七里形如文筆相近有五

擔山亦名武當山塞大江之流嘉陵江又三十里達閬中縣界又名閬

中水亦曰閬江亦曰渝水亦名南津河經保寧府閬中縣西南

二里閬水從西來注之原注水出閬陽縣東注漢水亦曰閬溪

又流十里至龍爪灘補注在閬中縣北溪水注之原注水自南

中縣界凡十里至縣城西又東南流濩溪水注之原注水經注

南轉東下流十里入江中世亦謂之清水東南流入漢水按今水亦從蒼

溪縣來補注水在閬中縣東寰宇記作和溪水又東南流會

東水補注在閬中縣東亦名東遊水一名宋熙水省志謂之東河又名宋江

源出陝西漢中府舊廉水縣補注廉水縣魏置故城由南江縣

大巴山補注大巴山在陝西南鄭縣界小巴山在縣東北二百三

十里險次大巴經廣元縣界之白沙壩補注亦名白沙

而高峻過之

水道續

三省邊防備覽

百里合唐溪苟溪二河補注唐溪河自蒼溪縣東界發源西南

苟溪河入江處補注在閬中縣東南入嘉陵江其下流曰

流八十里入南部縣界又南流二十五里至縣東北狀元溪水

注之補注在南部縣西半里又西南流七十里達蓬州界西水

河注之補注河在南部縣南三十里水源出劍州合大劍小劍

二水東南流補注大劍山在劍州北二十五里大劍水發源由

小劍山小劍水發源過瀑布崖與大劍水合謂之小梓潼水又

曰揚帆水水泛漲奔注望如揚帆故名南流至掌天山補注在

南接南合都竹水原注水出劍州又合柘溪水原注水源出柘

部縣界補注在州南又經南部縣渡水河注之補注在南部又東南至蓬

州界合嘉陵江嘉陵江又流五十里至蓬州城東岸上有石門

石嘴橫截江心長數百丈與營山縣接界為石門津補注在蓬

里不與城東相連又西南流合青溪水原注水源出披衣山地名石洞

合蓋溪源出袁山南流四十里入蓬州界又四十里披衣山今

同流入嘉陵江補注青溪水在營山縣西五十里披衣山今

名雲山在縣西四十里天將雨山上出雲如披衣然瑞興鎮一

作南瑞鎮在蓬州東藍溪在營山縣西二十里袁山在縣西十

五六十里入順慶府南充縣界又六十里經府城東西溪水從

西來注之寰宇記源出崇禮市山補注未詳輿地紀勝在縣原注東

四十里府志溪一名虹溪在西充縣東縈繞學宮前即為泮池

下流合東溪原注一名鹿溪源出鹿巖山下入西溪補注至

三河口北流向東迤邐合南充縣曲水補注在南充縣西四十

里按縣西八十里有流

溪合東西二溪入江自琉璃鐘補注未詳盤迴曲折入嘉陵江嘉陵江

又東受曲水入江補注源出請雨山西北流一十五里至縣北入

西南納清水溪補注源在南充縣東居民藉以溉田請雨

山在縣東七十里大斗溪補注源出岳池縣老君山補注溪在南

普祈雨有應故名補注源出岳池縣北八十里相傳一百一十里

充縣東八十里老君山在岳池縣北八十里相傳一百一十里

唐天祐中有人乘白鶴至此化為石又名白鶴山補注溪在定遠縣界又

入合州界花石溪補注源出岳池縣自黃溪舖入定遠縣界又

二鹽灘溪補注源出蓬溪縣自浴馬坪入定遠縣界東南流五

在定遠縣東十里至倒石橋又三十里出南溪口入江補注溪

里浴馬坪未詳若竹溪補注源出定遠縣麻油山東北流二十

六十里土黑而潤永濟橋在縣西十五里諸水注之又東北

與渠江合渠江水經注謂之宕渠水又名渝水又名潛水漢志

宕渠縣補注在渠縣有潛水補注在渠縣有潛水補注在渠縣有潛水

又有不曹水出西北南入瀋徐谷補注不曹水瀋水經

注蓋漢水支分潛出故名今縣有大穴潛水出焉通昱山西南

潛出謂之伏水或以為古潛水流與漢水合又謂宕渠水即潛

水出南鄭縣巴嶺補注巴嶺即大巴山在陝西南鄭縣南一百

漢江與三峽相接謂之北水東南流與漢水合又東南流經宕

渠縣謂之宕渠水又東南入漢即今之渠江也補注陳一津曰

寧羗州西北黃壩驛東之茶山嶺西合七盤關之斷竇山水南

過神宣驛西穿龍洞而出入嘉陵江此禹貢之潛水也漢志宕

渠縣有潛水西南入江又有不曹水出西北南入瀋徐谷皆指

此大小二水蓋漢境遼澗實在宕渠界內未嘗名為宕渠水也

不曹水當即斷竇水江有二派一派入漢中西鄉縣界南流入

瀋徐谷當即龍洞水江有二派一派入漢中西鄉縣界南流入

通江縣境又南流二百三十里至水口與竹洛關補注關在通

江縣東北二

三省邊防備覽 卷六 水道續

百八十里為自陝水合原注水一名白石水一名清水源自西
 西紫陽縣入蜀路原注水合原注水一名白石水一名清水源自西
 百七十里至水口與岩水合原注又有大險溪小險溪下流皆入於
 宕水補注白石水在通江縣東北俗名洪口河苦竹關在陝
 西大鄉縣西北境岩水在通江縣東北俗名洪口河苦竹關在陝
 巴山大險溪在縣東北一百里小險溪在其下俱入岩水流十
 里至峭口補注在通江縣東北又分為二派過毛裕鎮補注在通江
 西南流五十里合諾水原注水流出南鄭縣之青石關經眾山
 諾又名西河自青石關下流至羊圈關入通江縣界南流四百
 里過縣城又南流三十里入岩水補注諾水在通江縣西半
 里青石關在鄭縣南羊圈關在通江縣界南流四百
 江縣北四百里大巴嶺中接南鄭界又東南流三十里入巴州
 界一派自大巴山洞中流出西南流一百里至南江縣城東合
 菖蒲澗原注在南江縣西旁有石巖下有龍又至城南合關壩
 河原注河即南江源出大巴山關壩流經縣城南與巴江合舊
 通舟楫今以縣西四十里險崖舖石山倒塌堵塞河道遂阻

補注大巴山關在南江縣北一百五十里又西南四十里合米倉山水補注山在
 八十里接南江縣志以此水為南江源又合南屯河原注源出
 出米倉山南流至縣治前與巴江合原注源出
 經兩河口入巴江補注又東南流七十里入巴州界六十里至
 注在南江縣南二十里又東南流七十里入巴州界六十里至
 州東南分流一里復合中有小流橫貫形肖巴字故以為名符
 水合思公水注之原注符水出通江縣古符陽也在縣北七十
 里西流經九十里合思公水又合滄溪水東
 流與思來水合入巴江補注符水在通江縣北符陽縣後魏
 正始中置寄理渠州周天和五年移理於此思公水出縣北二
 百里之思公山滄溪在巴州東又至州南境二派合流入渠縣
 思來水一名思賴水亦在州東又至州南境二派合流入渠縣
 界與通川江合補注通川郡通川縣今附郭達縣治江以此名江一
 名東關水補注東關故城在今太平縣東水有三源一出太平
 縣補注太平縣舊屬達州嘉慶七年升州為綏定府金城山補注在太
 平縣為直隸廳道光元年復改縣屬綏定府

水道續

三省邊防備覽

卷六

平縣東二百四十里經明通井峽補注在太平縣東二百里兩山壁立數十里中天如一綫中有

溪即前江發源於此補注在太平縣東二里前江發源於此補注在太平縣東二六年分置明通縣共流二百里入東鄉縣東界長城壩補注在東鄉縣

東西南一百二十里至縣城東是為前江補注在太平縣東二江即古東關水也一出太平縣東百支山補注在太平縣東一

山中江發經龍灘全溪補注在東鄉縣東北龍灘源於此補注在東鄉縣東北龍灘當作龍潭下流名全溪補注在東共流三百里

入東鄉縣東北界一百八十里由鐵鑛山補注在東鄉縣東北至縣北七

十里普光寺補注寺在河東宋嘉會後江是為中江補注在太平縣東一

百里西南一出太平縣北大橫山補注在太平縣北五經城北

流會後江補注在太平縣北繞東南合白沙河原注河源出太平縣東板塞山經白沙鋪共

繞東南合白沙河原注河源出太平縣東板塞山經白沙鋪共板塞山在縣東四十里共流三百里入東鄉縣東北界一百八

十里由大水蕩過舊縣補注大水蕩未詳東鄉舊縣合中江東

西折流至縣北復東流至縣城東會前江是為後江補注在太平縣西一

百里南流會補注即益遷水也補注寰宇記益遷水在縣東北三十

前中二江補注步又有下符江在縣西南一百步今

按東鄉縣西南別無他水蓋即太平縣之後江至東鄉合中江

前江為下符江至綏定府為通川江皆東關水之隨地異名耳

三江合流為通川江西南流至達州補注今城東南復西流八

十里入渠縣界合渠江為宕渠江寰宇記渠江其水有二源一

出巴嶺補注即大巴山嶺所出之一出羅吳山補注至永睦縣

原注今達州西北一百里補注後漢分宕渠置宜漢縣入渠

梁又分置永康縣隋改曰永穆宋咸平二年又改為永睦入渠

縣省志一派自達州木頭石補注入渠縣境流五十里至三匯

北九十里縣丞駐此一派自巴州經達州由清河補注入渠縣

境一百五十里至三匯二派合流又一百五十里至縣東合流

江水補注在渠補注北二里水源出儀隴縣儀隴山補注山在儀隴縣西三十里山頂有石刻儀隴

二字縣以東流八十里合平溪水原注水源出允家山南流五

此得名允家山俱在儀隴縣東三十里至合水口入營山縣界又經縣東為七曲匯補注

在營山縣東六十里營迴七曲兩岸巖石懸絕飛湍噴沫若烟霧

騰湧合瞰天溪原注源出西巖繞營山縣城下流五十里合流

巖壑奇秀為名七曲堰即渝水也又受大流江小流江二水原注

大流江自彭水縣來小流江自蓬州來其流絕險高逾百丈俗

號高灘合北觀河入渠縣界注於流江補注大流江在渠縣

北觀河在營山縣北二十里東合消水原注源出儀隴縣東

於流江補注在營山縣東北注一百里至渠縣城東入渠江渠

江又轉西南一百五十里達廣安州境又一百四十里至州城

東濃水注之補注在廣安州西輿地紀勝在岳池縣東北源出龍扶速

山補注在岳池縣東四十里今名速山扶速亦作扶疎名勝志

按唐地理志云岳池有龍扶速山環水出焉非濃水也州志

云農水發源州治百二十里蓬州之綿壩流至橡樹壩二溪相

合經龍扶速山下龍溪灘與環水合之是龍扶速山乃三溪合

源處非流經蓬州之綿壩分為二派南至橡樹壩補注綿壩橡

合流至廣安州城南五里東折入渠江其水與洄水合流水色

常濁故名濃水亦名西溪水其洄水在州南以其縈迴為潭故

名又名清洄即渠江下流也渠江在州東北亦呼篆水補注在

北五里水南五十餘步有宋江中灘石縱橫湍流奔急俗呼三

刻沸珠瀨湧玉湍六大字

十六灘至此石磧平坦波紋如篆故名其間有兩渠相距二尺

餘廣半之可以流觴天巧使然不假人力每歲冬春之交水落石出人多游焉又一百六十里經岳池縣南清溪水注之原注隣水縣西又三十里至合州界又至州東北十里與嘉陵江合源出流入渠江又三十里至合州界又至州東北十里與嘉陵江合與地紀勝至雲門鎮補注在合州東北入江合流至州前與涪江合又東南流入巴縣界又流至城東北與大江水合

蜀輜日記節錄

陶澍

巴縣城東南朝天門外即重慶府治古巴子國秦置巴郡漢曰江州梁曰楚州隋唐曰渝州宋改恭州淳熙中升為重慶府地據山水之會右嘉陵而左大江居高臨深險阨天成市廛鱗比萬瓦雲連川東一大都會也城周圍二十里因巖岸為岬峴三

而陡絕惟西南山脊一綫可通佛圖關昔李嚴欲鑿佛圖使城在孤洲上孔明以恐斷地脈止之然明玉珍據此僭號大夏湯和等甫入銅鑼峽而其子明昇送欵奢崇明據此塹濠連營秦良玉疾趨南平關而賊將樊龍授首險不足恃洵然范觀察逢恩羅總戎聲皋俞太守恒潤及丞令諸君來迓入城報之陟歷街街崎嶇上下無一里平者始知吳船錄所言恭州在一大磐石上良非虛語而漁洋謂渝城孤峙江中宛如龜之曳尾亦可謂善狀但西南五福宮一帶石稜斜起半插雲霄正似龜之翹尾非曳尾耳

初四日俞太守邀余渡江游塗山訪禹迹因雨未果午刻范觀

察設劇招飲川東道署同城各官咸集署後層崖萃嶽如屏施
 抱左右坐次正對塗山絕頂有鐵桅一屹然雲表明大將劉經
 所立湘潭張九鑑分巡川東時建亭其上名曰鑑遠稍右有真
 武廟霏微中望之依稀可辨按酈道元書山上有禹廟塗后祠
 倦游錄謂禹廟後殿一瓊裘像侍衛皆夷人云是禹婦翁詢之
 坐中咸云夙廢祇山麓龍門浩有小祠曰禹王宮乃楚人公所
 也按大戴記吳越春秋皆言禹娶塗山氏曰女嬀世本作嫫劉向
 列女傳言禹之治水而南也塗山氏賦猗南之侯其後周之二
 南實取風焉及生啟禹弗子塗山氏能教訓而使之化立庶子
 之官以翼之是以史臣叙三代后妃之助曰夏之興也以塗山

先儒謂塗山有三一壽春塗山在今懷遠縣乃禹會諸侯處東
 坡詩注淮南人謂禹以六月六日生數萬人會山上是也一會
 稽塗山為禹致羣神之地或崩葬之所一巴郡塗山即禹后家
 也昔昌意降居若水娶蜀山氏女樞生顓頊於若水之野是為
 禹祖然則禹蓋屢世蜀人且娶於蜀不祇廣柔稱桑梓也塗山
 之祀奚可廢坐客聞之咸以為然晚登舟雨猶未息

初五日雨甚午刻移舟泊江北廳即朝天門對岸大江與嘉陵
 江合流之水口也大要蜀中之水以大江為經而羣水緯之大
 江自岷山經川西至川東禹貢南條之首也其在川南者則大
 渡河馬湖江為最大禹貢之蔡蒙和夷也其在川北者則嘉陵

江爲最大卽禹貢之潛也四川之目當指此四水言之亦有舉資水而無大渡河者不知資水較小雖有中水之稱祇係大江之別流不足自名一川不如大渡河之源遠流長也嘉陵江一名西漢水皆漢以後所改稱禹貢但謂之潛梁州貢道由此水溯今廣元逾寧羌州浮沔溯褒以出斜口故曰浮于潛逾于沔入于涓亂于河彼時帝都在冀若不由潛便須浮海否則由荊州溯漢仍須逾河其道轉迂遠不如浮潛之便捷也古今陵谷變遷褒沔近山多開壑沙石所壅寢失故道自禹至漢不過二千年而武帝時議者已不知褒斜之可潛況後世乎江北廳木巴縣地乾隆年間始設理民廳移重慶同知駐焉五方雜處繁

劇亞於巴

初六日自江北廳解維過五桂石彈子石十里至觀音碛南岸有大石佛面飾以金光彩奪目僞夏都察院鄒興所鑿也二十里銅鑼峽其南則石鼓峽懸崖上有鑼鼓形故名或曰水聲似之三十里至野驢子灘連過烏龜石餓鬼堆鮓人坑馬嶺子皆險灘也凡三十里至明月峽又三十里過鉅梁灘白鶴灘至木洞有巡檢司大路可通南川沿江粗石如困如廩如獸如鬼綿亘不絕又過紅沙磧橫梁子百丈梁雞公嘴凡三十里至羅磧又三十里至扇背沱入長壽界遙望東北岸石巘瞰江其上有石砦戊午己未年間居人於此避白蓮教匪又過石門養蠶擡

盤子諸灘凡三十里泊長壽縣治踞山顛廬居山腹溪流烟樹
城市儼山林也西北有舊城鑿石爲門中有田畝蜀山多崑聳
長壽山獨平行曲折或云似壽字而長故縣以名焉

初七日舟發過龍舌灘回望城山頗如飛鳳治後石骨削立天
然險固又過張公灘有張桓侯廟灘石刻桓侯不語灘五字相
傳舟過偶嘈戲則灘水怒沸故榜人戒焉凡三十里入涪州境
過黃草峽卽水經注之黃葛峽也又過黃魚橫梁馬絆諸灘皆
險絕水聲轟然凡三十里至藺市宋開慶中蒙古將紐璘造浮
橋於藺市以杜援兵是也北岸有二山方其頂而峻其郭背有
石峽圍繞如圈几形教匪滋事時居民結寨其上遂成村落昔

酈道元謂黃葛峽山高險絕無人居今此居民却以宅險而安
又過磨盤麻堆諸灘凡三十里至李渡相傳李白渡此曹能始
詩涪陵李渡最繁華不借詞人枉自誇又過龜龍峽妃子園唐
時於此置荔枝驛七日而至長安香味猶生按荔枝諸書多言
南海惟蔡君謨荔枝譜言涪州東坡亦言天寶歲貢取之涪十
五里過火烽灘南岸有白馬石崇巖聳峭其上有廟卽古雞鳴
峽也又十五里過龍王沱泊涪州古巴郡地巴先王墓在焉蜀
漢置涪陵郡龐統之子肱嘗爲郡守或云漢涪陵郡在今彭水
縣今涪漢枳縣也史記燕代曰楚得枳而國亡卽此涪江自貴
州大定境逕貴陽遵義平越石阡思南各府境至西陽州之龔

灘而湖北來鳳利川咸豐之水入之至彭水縣之江口而正安州水入之北流至武隆司入州境繞城東門外入於大江此水上源曰烏江乃貴州省北第一大水源流長二千三百里土人謂之黔江秦司馬錯由此水以取楚黔中蓋三省咽喉要害也有小重慶之目州治在南岸磧石上恰對北巖鈞深堂爲伊川先生注易處

初八日舟發過雙魚石漁洋詩涪州水落見雙魚是也此石魚在江底一銜芝草一銜蓮花各三十六鱗現則年豐十五里羣豬灘江心亂石如猪稍下五里一石突立如屏風名曰屏崖水漲時甚險上下維舟以俟諺云羣豬陡崖無事莫來如必要來

烟漲雲霾言宜乘烟雨中過也三十里百牽灘三十里焦崖水經注所謂東望峽也二十里利市鎮入酆都界十里南沱北碛三十里過觀音梁大佛面送客堆殘悲梁均極險惡過酆都縣古巴子別都也漢置平都縣隋改豐都因縣有豐水平都山得名明初改豐爲酆小說家遂有鬼山陰洞之說語皆荒誕然水經注平都有天師治兼建佛寺甚清靈寰宇記亦謂陰長生王方平得道於此則知鬼語附會有自來矣縣境山多險陋獨平都山在治東北二里許蒼翠可愛道書第四十二福地也山上有景德宮卽仙都觀唐時有段丞相修觀記段少監修齋記天尊石像記老君石像記感應碑張大理詩杜光庭石函記李吉

南真人影堂記二真君碑二仙公碑皆稱名蹟詢之縣令瞿頤云已無存又有平都書院王陽明作記亦頽廢晡行三十里過葫蘆溪泊高家鎮

初九日五里鑾珠背十里虎鬚子五里鳳凰子皆險灘十里羊渡溪隸石砭廳地與鄧都犬牙相錯縣治照壁前有土一隅云卽石砭所屬也十里魚洞子入忠州界十五里白馬子南岸曰烏楊鎮北岸曰將軍溪有嚴將軍墓因名四十里忠州漢臨江縣地屬巴郡後屬巴東郡唐貞觀中詔改忠州稱其地邊巴徼人懷忠信蓋指巴臣蔓子及郡守嚴顏而言也宋度宗潛邸於此及卽位升爲咸淳府明仍爲州洪武中調長沙衛官兵修

城周四里有奇瑩以磚石頗堅忠爲三峽名州而多遷謫有四賢堂祀劉晏陸贄李吉甫白居易四人宣公初厝於此有祠在南岸翠屏山樂天刺州時爲東樓以宴賓佐西樓以瞰鳴玉溪張樂巴子臺以會竹枝歌女又於東坡種花東澗種柳蘇長公慕其流風遂以東坡自號所謂忠黃江上兩東坡也自忠州東下五十里有黃華洲一曰皇華城在大江中周遭十餘里四面懸絕漢臨江縣治也水經言江水又東得黃華水口左逕石城南卽此李雄之亂巴西郡亦寄理於此今殘堞猶隱隱可辨居民無雜姓惟陶氏一族居之自云明千戶陶章之後出自吾邑蓋卽洪武中調兵築城之遺吾族自長沙桓公以來在安化者

至明初慶源公下又分爲奇良端三房子孫遷居渝瀘潼閬北
遠與漢不下數百戶此其尤先者歟人易世疎爲之慨然十里
過折桅子巖脚如敗甕舟行避之反漩入不得脫而尾折歲壞
船無數乾隆年間州牧甘隆濱沉鐵鐘十二以鎮水崇復操舟
往復上下數日始得放舟之法遂於灘上立石大書深刻對我
來三字行者賴之俗云武侯所立誤矣十五里曹溪盤有水從
梁山縣蟠龍山來經涂井南入于江卽水經注鹽井溪也岸石
連亘不絕北岸有石竇寨尤奇古名四方山從遠望如困廩近
望則方而扁高十餘丈四面陡絕左旁爲樓十層梯而上乃達
巖之南角其頂平坦有寺觀竹木甚翳泉出其上四時不竭折

桅子米艘有壞者往往米從泉眼湧出知其下與江通矣教匪
滋事時難民走避其上獲免者千餘人五里西界范石砦廳通
衢也設巡檢一員石砦在明爲女土官秦良玉地今馬氏世襲
土通判卽其後裔五里入萬縣界過石鼓峽凡三十里泊武陵
集

初十日雨而風

十一日曉過雙魚子磨刀灘三十里至舟渡二十里大湖灘水
經注謂之和灘宋嘉熙中蒙古渡湖灘施夔震動卽此北岸山
如長城銳其尾以入江修亘十餘里有曰蓮花碛者玲瓏剔透
巧若鬼工在諸頑石中特出面目奇觀也江流至此爲鉅石所

三行邊防備覽
十五
扼激而成湍瀾注謂江水東逕石龍有盤石基亘通渚是也凡六十里至蛾眉磧其間迴崖複壁摩天插江爭若龍象不可方物南岸有區擔寨者恍惚日前所見之石竇寨也蛾眉磧下有岑公洞深廣數十丈石巖盤結如華蓋有泉出焉唐岑道願隱處北岸卽萬縣漢羊渠地建興中置南浦縣沈約謂益州牧閻宇表改羊渠立縣是也縣治背負都歷山崷崷突出又北爲獅子山形如狻猊惟鼻尖可登其下有苧溪折流十二灣至城西里許入江有巨石橫亘溪上謂之天生橋又西四里有天生城西面峭立如牆惟西北一線可上徑寬尺許俗呼天子城言漢昭烈帝嘗駐兵其上也又西十餘里有萬戶城一名人存山險

峻亦如天城明末土寇譚宏譚詣譚文盤踞忠夔恃此爲巢穴八我朝納欵爲侯自相魚肉旋俱撲滅可爲負險者戒苧溪之上又有太白巖一名絕塵龕相傳太白讀書於此有大醉西巖一局碁之句本集不載黃魯直謂西崖之勝東望巫峽西盡郁鄔不敢與之爭又王侶謂峽中之觀惟岑公洞及魯池不因江以爲勝魯池亦在太白巖側也小泊縣前不及遊觀然山川奇險已一一在目矣未刻復解維十里過高桅子至赤沙磧北岸圓峯聳天亦古寨也三十里猴子石太陽磧入巴陽峽亂石林立長千百丈細視皆修整有層次如城脚然水面忽窄若可葦杭語曰淺莫過羅磧在重慶下深莫過巴峽昔有人以絲四兩繫

石深江底不能到蓋水爲石束易廣爲深矣又過九堆子白鶴灘凡二十里泊小江口卽開縣水也其上源有三一出梁山縣之高梁山經渠口至開水經謂之北集渠卽墊江也一出新寧之露山坎經雲陽至開注謂之彭溪也一出大寧之萬頃池經綏定至開注謂之清水也開縣產米三水旣會舟航四達矣是日所過多巖險陸路由萬縣道梁山大竹渠縣蓬州南充蓬溪射洪三臺中江金堂至成都一千三百里半月可到
十二日發小江入雲陽境過上崖寺下崖寺巖尸嵌空上結佛龕以鐵鍊縋而上一名燕子巖宋喻汝鐳雲安下崖次涪翁韻云徑向山腰轉門從水面開片雲巖下宿一鉢朔方來風景可

以想見又過馬嶺子灘凡六十里至雲陽縣漢胸臆縣地故城在縣西四十里胸臆音蠢閩卽蚯蚓也瘴濕所生此地多有因名後周改爲雲安縣有雲安鹽場在縣西北三十里馬嶺山下與三牛山相對漢扶嘉言三牛對馬嶺不出貴人出鹽井自漢唐至宋明皆置鹽官以司之今猶有大使一員然蜀中鹽井甚多如嘉定犍爲富順射洪皆產鹽甚旺雲陽之利今稍衰矣其味差苦不如射洪犍爲之佳豈古今地氣有殊歟縣治在崖坡上偏仄甚午刻開舟五里過寶子塔江心鑿石作塔以爲舟標南岸有新軍河自施南府來注之又十里東洋子又十五里廟磯子又十五里磁莊子此三灘極險惡有張桓侯廟甚靈舟人

虞祀之遂寧張相國鵬翮刻詩廟中云神明豈愛行人祭欲挽
江河為漢留是日過東洋子邑令具轎請余登陸余却之曰一
難尚畏焉能泛海上槎乎危坐作書不輟蓋藉以鎮舟人之心
耳然浪花洶湧篷窗盡濕矣又十五里泊三塊石

十三日自三塊石過烏龍沱南陽峽合水子南岸有水曰烏龍
池凡四十里至白巖有水曰頭塘溪又二十里過青崖子老馬
灘泊夔州府奉節縣南門外春秋時魚人所居庸屬邑也秦置
魚復縣漢末改巴東郡唐為夔州地據關險黔楚之咽喉兩川
之鎖鑰也鄧太守熲遊往遊白帝瞿塘諸蹟午刻入城報謁遂
同出東郭渡大瀨水一名西瀨水蜀人謂山澗之通江者為瀨

也水出萬頃池其下卽八陣圖遺址亂石在沙渚上相傳晴霽
久有雲氣出其間則雨夔人歲以人曰傾城出游謂之踏磧云
二里過卧龍山拜杜工部草堂其左為武侯祠度石橋循山而
東八里至下關城一名子陽城卽古夔城也殘堞宛然繚繞山
顛西峻東迤其山脈稍南出突起圓峯如以線繫匏卽白帝城
也兩城之間謂之馬嶺從小石門內穿菜畦綠以上始知子美
城尖徑仄旌旆愁之句確是白帝情形也山周圍僅可里許上
有明良殿祀先主以武侯關張配碑刻殊少佳者惟沔陽陳文
燭一詩差可又宋時有三峽堂卽鎖江亭遺址亦久廢矣東瀨
水繞其左麓公孫述嘗引以墾田謂之東屯又東為赤甲山其

高插天一角銳起尤奇白鹽山在江之南水經注謂白鹽崖高千餘丈殆不止此大江包山之右麓而東灩澦堆屹立其中其形如獸回首西望蓋全蜀山川於此關欄崖屨四崩千態萬狀一夫當關萬衆踈踞壯矣哉臨眺久之出小城繞山腹而下至觀音洞一石佛卧龕內俯視瞿塘水色黝然昔杜宇時有龍戰於此山大崩裂水溢橫流其相斃靈鑿之杜宇謂其功大讓以國而歸隱西山其後國人思之聞鶻聲呼望帝也伐山開峽語近眇茫然縱觀石上斧鑿痕儼然上世神人固當有之世人狙於目前隘矣觀音洞前有仙人掌尤可玩歸途望夔城鱗屋森然在蓮花山下一塔隱隱轟雲端太守設劇飲府署署後有望

華亭登之城內外一覽可盡旁有甘夫人墓以土垣衛之占槐數株蒼翠尙茂酒闌登舟金雞已唱曉矣

十四日已刻自奉節開舟過魚復浦土人謂之碁壩卽八陣圖也昨日望之殊無所見奴子有與長年往游者云圓石八堆四橫四縱周圍可六丈許高僅三尺許猶可辨識惜不及往視矣南岸有魚復城故址每歲魴魚上至浦前則迴首順流而下故夔以西無魴也魚復之名因此十里至灩澦堆孤石蹲踞高二三十丈或言其形似夔故地以名焉然夔本一足茲石恍忽四足近有撈銅者沒水至其下云石底嵌空實三足也一說蜀山有大牛名夔重千觔此石似之故以夔名晉太興中此牛嘗出

上庸郡人用弩射獲識者謂卽爾雅所稱魏也古詩淫灑大如象瞿塘不可上淫灑大如馬瞿塘不可下蓋水大則石沒其小如馬舟來觸之阻攔不得脫故曰不可下水小則石出其大如象彼時節節皆灘故曰不可上也一作灑灑大如鼈瞿塘行舟絕灑灑大如龜瞿塘不可窺殊無義味淫灑一作兗豫又作猶豫言水脈難决舟人疑惑其敢前也大要舟行至此必作之字繞以避之來時直對此石及將近乃轉而南又折而東尺寸間成毀立判矣北岸卽白帝城公孫述據蜀有白龍自井出遂自稱白帝移魚復城於此改號白帝城也過東瀼水逕黃龍灘名鐵柱溪北岸如鑿鋸南岸如劈削卽峽門也萬仞矗天奇嶮

可怖古稱江關又曰扞關一曰鐵鎖關也五里男女孔灘五里石板峽懸崖間有一小匣又有石洞置竹箕數事舟人云其中產硝磺土人從山頂縋而下百餘丈出入以爲恒猿狖蟲蟻所不能至而覓利者至之可歎也五里黑石灘入巫山界石質如生鐵鑄成滲痕宛然夏漲時最險諺云灑灑冒頂黑石下井言其危也十里戴溪有小市南通湖北之利川夔峽至此而盡戴溪蓋酈注烏飛水也北岸有石曰惡鬼堆五里虎鬚子灘南岸巨石側立如梳齒又曰門扇峽五里九墩子小青灘十五里龍寶子五里焦灘十五里三纜子五里東竿嘴五里蝦蟆灘十里紅石梁五里泊巫山縣縣枕山臨水形如圓几故夔子國熊摯

所徙也吳置建平郡六代因之故城在稍東山上水經注城緣山爲墉三面傍谷南臨大江是也隋始移縣於今治古陽臺在北門最高處其後有崖謂之藏春塢下臨小溪國策蔡靈侯飲茹溪之流卽此高唐觀在城西正對南陵山路通施南旋繞而上謂之一百八盤或云山形如巫字望之亦不甚肖按巫山以巫咸得名郭璞賦謂咸以鴻術爲帝堯醫師生爲上公汲爲貴神封於斯山因以名之又按山海經大荒有靈山巫咸巫昉巫卽巫盼巫彭巫姑巫眞巫禮巫謝巫羅十巫從此升降百藥爰在然則巫之爲神久矣與商臣巫咸別自一人也大寧河水流經城東入于江其上游卽馬連溪又曰昌江源出陝西之平利

以次會竹山房縣之水逕大寧至此水經謂之巫溪也溪上有楚王細腰宮址溪東山峯峻起曰瑩篔山神女廟在其顛絕巘瞰江奇峭特出自紅石梁卽望見之擬往游會日暮不果晚來月色盈舟推窗望陽臺高唐諸山秀倩可惋制軍差官送出境將以翌日自崖而返秉燭作書報之

十五日辰刻發瑩篔山下五里空亡沱入巫峽山崖峭起奇皴萬狀十五里跳石唐雷萬春生於此五里上座牛黑石林立如夔峽所見兩岸合沓惟見青天一髮山頂如城如閣如困如花如火如華表如人物鳥獸爭奇獻詭目不暇給五里老鼠錯五里黃草坡北岸山頂石如方城西南向有門有關長年呼爲獅

子掛銀牌名雖俚亦可想其奇幻也五里霸王愁南岸欹石躄水千仞陡立其紋如波濤涌舟人以金盃金甲名之五里蒲泊子北岸山崖萬仞頂有兩崖尖脫甚層巖之上似有空坪一洞天也山脚如重磚斜迤石路斷絕縹纜者鑿山爲磴繫鐵索以引手問其名無知者蓋其地名鬼錯愁舟子諱言之其頂一石如太湖石次如困次如廩舟人呼爲大磨小磨又下一石獨立千仞謂之尖刀鋒亘古無人能上也數里內南岸稍圓平有土北岸無寸土草木所不能生猿狖所不能緣也稍下兩壁削立如圓鏡面上刻大字但見重巒疊嶂及一峽字中間數字不能辨兩山頂凹凸微露團山亦隱秀一瞥眼失之矣五里杉木

灤南有小峽重崖迴護其中岌然疑武陵桃源不遠人世蓋八蜀記所稱清水洞也北峯山頂石槽直下如火磚色稍下有一洞此來山半多洞跳石北山頂一洞尤奇望之似可見天杉木灤下石壁皆峻有一石高起如雞卵日色至此高擱崖顛冷風料峭直欲添絲矣往聞人談蜀道上山脫衣下山加裘言山高則陰晴頓異峽中亦復似之五里美人峯又名朝雲峯卽神女峯也巫山十二峯皆在北岸美人峯尤纖麗入蜀記云八月十五夜月明時有絲竹之音往來峯頂猿狖齊鳴達旦乃止蓋神靈所栖止也古神女廟本在此處范成大吳船錄云戊午乘水退下巫峽至神女廟陸放翁入蜀記亦云二十三日自疲石過

巫山凝真觀謁妙用真人祠卽世所稱巫山神女泊清水洞二十四日抵巫山縣云云是神女廟之設初不在筮篋山明甚王漁洋亦言遇父老二人稱廟址在飛鳳峯有古碑以波濤洶怒不可繫舟前代始移筮篋山云巫山神女爲西王母第二十三女雲華夫人助大禹治水見于宋陶穀所爲廟記其文瑰麗又有紹興十七年馬永卿記云少讀高唐三賦思有以闕之比考禹穴紀異及集仙錄載禹導江至瞿塘實爲上古鬼神龍蛭之宅護惜巢穴作爲妖怪風沙晝暝迷失道路禹乃望空而歎俄見神人狀類天女授禹太上先天呼召萬靈玉篆之書且使其臣狂章虞餘黃魔大翳庚辰童律爲禹之助禹於是能呼吸風

雷役使鬼神開山疏水無不如志禹詢於童律對曰西王母之女也館泊巫山禹至山下躬往謁謝親見神人倏忽之間變化不測或爲卿雲或爲霏雨或爲游龍或爲翔鶴旣化爲石又化爲人千狀萬態不可殫述禹疑問童律對曰上聖凝氣爲真與道合體非寓胎稟化之形乃西華少陰之氣也僕始讀其書而駭異旣而深思之所謂西王母者有合於坤爲母兌爲少女之義陰陽不測變化萬物豈不灼灼明甚宋玉此賦雖載交選然王逸哀類楚詞甚詳獨無此二賦足知其贗蓋兩晉後膚淺齷生戲弄筆研劇聞雲雨之一語妄謂神女行是於陽臺之下不知神女卽雲雨也且懷襄孱主屢爲秦困襄王乃東徙於陳其

去巫缺遠甚亦可以爲驗也此文見者頗少因錄之又按東坡詩上帝降瑤姬來處荆巫間神容豈在猛玉座幽且閒則此論早已有之宋大夫一時寓言可毋庸置辨也峯前馴鳥迎送客舟色如常鳥而差小搏飯擲之銜接甚捷五里過一山如圓髻而聳近觀若獸昂首南望其石偏右石洞居者架戶其中十里棺材峽山腰凹入上置一物舟人謂其形如棺細望似鐵鍋其地非人所能至莫窮其怪異也五里培石入蜀記作疲石亂石堆聚江干皆方平如棹子然稍東又有小澗瀕石其色皴黑宛然瞿唐峽口如馬如象之石質也此處卽古新崩灘漢和帝時山崩晉太元二年又崩當崩時水道流湧起數十丈今洄漩猶悍

五里萬流驛入湖北巴東界卽鱖魚溪發源恩施縣水經江水過巫縣鹽水從東南流注之是也七里過金扁擔灘三十里卓牛灘八里三松子灘又五里過門扇峽泊關渡口卽唐天寶六年賜名蜀口山者也巫峽至此而盡 四川一省嶽巖外厥沃壤中蟠貨材所殖秬稻尤蕃地勢居高臨下足以控扼東南屏藩關隴是故秦得之以弱楚晉得之以吞吳蒙古得之以亡宋而成周劉漢之興皆以蜀爲前驅至於乘危竊據亦自偏霸一方而見睨卽消每不勞再伐所謂我往寇往險固不足恃也其山水清竒而露故人士多秀穎輕俊少堅凝之氣小民懷德畏威易於治而亦易於亂自玉珍僭夏楚兵隨之川東北已多麻

城徙獻賊屠剗而後土著幾盡今則楚人半而吳粵之人亦居其半也又按說文蜀者葵蠶之名淮南子蠶與蜀狀相類意者蜀山蛩蛩蠖蝮有似此蟲故以蜀名而號曰蠶叢也至爾雅獨山爲蜀則川境山皆綿亘實無獨起之山一說蜀者祭器見於管子其形外實中空蜀境似之此則後王冶器未可蒙上古蜀山之號也

十六日自關渡口東下過西瀼口東瀼口經母猪灘青竹標凡四十里至巴東縣隸宜昌府治巴山麓山海經夏后啟之臣曰血涂司神於巴是也縣南臨水無城有秋風白雲二亭又有相公溪皆寇萊公作令時遺蹟自巴東二十里至牛口入歸州界

有小鎮舊設巡司一員今廢東坡夜泊牛口云居民偶相聚三四依古柳負薪出深谷見客喜且售情景宛然在目此詩編蘇集者悞置戎州之前不知嘉叙之間無所謂牛口也十里上巴斗下巴斗十五里石門灘注石門灘北岸有山上合下開緣江步路所由先主爲陸遜所追逕此燒鎧斷道陸游謂爲天下之至險也二十里葉灘一作拽灘亂石林立有葉枕葉牀之稱水漲時極險十五里老虎石五甲咤灘水石相激作叱咤聲故名江心有石梁九道名曰九龍亦名人鮓甕北岸卽歸州治依山卽坂如一彈丸在磐石上城內外無分寸土四時但聞灘聲如雷晝夜不絕山谷詩命輕人鮓甕頭船洵非虛語州前不可泊

三省邊防備覽
灘行十里過烏牛石蓮花三游泊南岸老歸州山頂平澗堞址
隱隱相傳楚王舊城其下爲屈原三沱有三閭大夫祠宋玉宅
女嬃砧放翁詩江上荒城猿鳥悲隔江便是屈原祠入蜀記宋
玉宅在秭歸縣東今爲酒家墟矣薄暮登岸踏亂石至山頂徘徊
久之東望烟靄明滅間兩崖對刺天外蓋卽兵書峽也按歸
州古夔國后夔歸姓封此故又稱歸國也周封熊繹爲楚其後
楚東徙而封熊摯於此故有夔子城漢曰秭歸三國爲吳西偏
重鎮

十七日晨聞欵乃聲披衣起已行十里過蒲莊河黃牛灘至香
溪矣水出興山縣流經昨君村南入于江張又新煎茶記第十
四水也五里過要和尙至白狗懸杜詩白狗黃牛峽卽指此危
崖築竦欲裂壘空間若疊瓦片舟人云此武侯所藏兵書五里
過新灘有頭灘二灘三灘之稱礪砢橫江其聲雷碾喧轟動地
范成大謂其名豪三峽不虛也水落時尤險語云大水怕葉小
水怕新按後漢永元二年秭歸山崩又陸游記皇祐三年知歸
州趙誠以山崩石壅害舟聞於朝疏鑿之蓋江絕於天聖中至
是始通迨明嘉靖中龍起山崩而灘門益狹矣灘上居民百餘
家以挑負爲業每貨舟上下必起卸搬灘而更載同知一員駐
劄以彈壓焉於時水勢未落崩洪沄沄遂放船而下三老長年
齊聲奮楫余方倚窗檻觀山色倏覺雪花飛起浪大於屋舟擲

其中飄如一葉瞥目間已迅瀉十數里始悟杜詩身輕一鳥過
殊肖此間情景過馬肝峽北岸絕壁上有石如肝肺纍纍下垂
故名旁有獅子巖翠草被之如毛毳甓南岸有小澗從兩崖間
流出望見其中礮礮兀碑面目無一雷同計自新灘而下共行
三十里至空船峽岸屈鈞束江心大石力拒洪流名曰雞翅膀
下有黃石坂三硃石又有南丈硃北丈硃左旋則右觸上撇則
下橫冬夏之月必輕舟卸載始可上下故以空船爲名盛宏之
記空船峽甚高峻卽宜都建平界也遠望交嶺上有二石如人
攘袂相對俗傳兩郡督郵爭界於此宜都石小敬議者以爲不
如也又十里過虎鬚沱牯牛石羊背灘黑崖子至屈溪驛入宜

都界山勢忽豁推窗遠望齒崑崙靄如壺中九華別有洞天西
望峽中烟嵐迴合千態萬狀又如天台歸客乍出仙源洞口雲
封蒼崖零亂不待漁舟重問已有天上人間之隔矣自屈溪而
下凡六十里至黃陵廟其間亂石如麻節節皆灘達洞野猫使
君鹿角狼尾流頭諸灘皆古險鍋籠子尤險謂之亂石羅城又
有渣波灘南虎北虎大峯三硃等險總名爲竹節灘俗呼腰站
河至黃陵廟而無義灘齒列其下又十里至紅石子而川峽極
險之灘始盡矣舟子皆喜躍相賀以平安出銀牌犒之黃陵廟
祀黃魔神牛首人身舊有孔明碑記廟後卽黃牛山北首南尾
兩角嶄然旁有石宛若人形立牛側人黑而牛黃崖壁則灰白

色其山礪硤魁碗巨紅石而東數十里相屬不絕所謂朝暮見黃牛也二十里南沱三漩入扇子峽山高五百仞名曰石鼻山臨江阻險上有巨石橫六七十丈如牌筏然一名石簰山周隋間峽州置治於其上峽口有和尚道士二石對峙江濱皆絕肖五里蝦蟆碛山麓豁開一洞墓踞其中作黃金色泉從頤間噴薄而出水品謂爲天下第四泉北岸有黃頽洞迴湍入之鞞鞞有聲過梢公碛有石如磨纍危峯上又一石纖瘦特立如人挾柁所謂梢公也又過神礪子有洞中立一石似老人持竿而釣計自墓蟆碛而下連過石牌胡勁偏牢黃毛等灘凡三十里至平善壩言江流至此而馴也俗呼水之渟涵者爲壩云過白龍

洞出扇子峽凡十里至南津關卽下牢戍夷陵故城也谿北有三游洞名自元白始而蘇公父子繼之西陵峽至此而盡四望曠然有舉頭天外之概昔陸放翁自吳入蜀初至下牢卽訝其奇怪不可狀及至夔巫反平平無詫語王阮亭出巫山抵巴東唾爲賸水殘山不堪著眼蓋人情乍見則驚久而習焉則忘非山水有時顯晦也余今晨自兵書峽望新灘諸山雖高崖修阻不甚奇詫以爲不及夔巫及抵空舫羣峭全涌如入化城逮黃牛一帶面目又別入蝦蟆碛更出奇觀通計此日所見有方若城者有圓若蓋者有岬若牙者有竦若翼者有仰若缶覆若釜者有簇矗若筍尖者有跗葩駢萼爛若芙蓉者有單支片段森

若戈戟者有韋衣掩袂若仙子御風者有扶筇荷篠若老人負
曝者有紉互若蛇螭鏘舞若鸞鳳者蓋沉雄瑰偉稍異夔巫而
秀峭似之可以歎觀止矣按三峽之說不一有謂明月廣德東
突者庾仲雍記也有謂明月巫山廣溪者峽程記也有謂西峽
巴峽巫峽者寰宇記也有謂西陵巫峽歸峽者宋肇記也惟王
洙瞿塘巫山黃牛之說爲近是蓋川江之以峽名者甚多難以
枚舉所謂三峽者專以在荊州者言之耳盛宏之荊州記云三
峽七百里中兩岸連山畧無闕處今自夔府東至宜昌將近六
百里奇險盡在其間蓋自灩澦堆至虎鬚灘統名爲瞿塘峽一
名廣溪峽卽夔峽也自空亡沱至門扇峽統名爲巫峽其尾盡

於巴東故又曰巴峽也自兵書峽至平善壩統名爲西陵峽其
峽起於歸州而翹於黃牛訖於扇子故又曰歸鄉峽黃牛峽扇
子峽也諸說紛紛斷以夔峽巫峽西陵峽爲三峽此因親歷其
境目擊層巖疊嶂其阻且長者有此三處證以盛宏之荊州記
確然無疑自南津關放舟口已暮見江豚拜風有物黝而長出
深潭中似蛟虬之屬也十五里泊東湖縣

十八日晨大霧發東湖本夷陵州地乾隆中升爲宜昌府置今
縣戰國時爲楚西陵邑頃襄王二十年秦白起拔我西陵明年
拔郢燒先王墓夷陵是也秦始置縣吳改爲西陵郡有陸抗故
城在江東南酈注所言卽山爲壩四面天險也北周改峽州卽

下牢戍也唐徙治步闡壘卽今治也宋建炎中移治石鼻卽蝦
蟇碛山也元仍還舊治地當三峽之口爲楚蜀咽喉形勝所必
爭歷代皆置重鎮然白起王濬與隋楊素之下陳唐李孝恭之
克蕭銑均以建瓴之勢成功若所據非宜則田戎步闡終歸敗
亡卽先主之連營七百亦不免見欺小兒狼狽西走則知乘高
因險亦視乎其人也舟行二十里臨江市十里虎牙灘北岸有
虎牙山石壁紅而有白文如牙形故名南岸卽荆門山隸宜都
縣其山上合下開有石跨兩壁如橋通一門江濱石屹若碑謂
之十二碛碛一作背謂與大梁山相背也此地緯纜難施鑿路
以通行人舟至此先避虎牙而南復避荆門而北爲大江極險

處楚之西塞也又有虎腦碛卽古獠亭四十里宜都縣漢夷道
地清江水自貴州思州界逕四川黔彭間流經建始長陽至縣
西入江水經謂之夷水相傳廩君乘土船處又有白巖溪蒼茫
溪富金溪源出鶴峯州皆從縣境入江連過稱桿馬鬃狼牙三
碛凡四十里泊白水港入枝江界

十九日二十里過枝江縣隸荊州府楚故都能繹初封丹陽
在歸州其後遷此亦稱丹陽水經注枝江地平敞北據大江江
汜枝分故名東過石鼓灘至焦崖凡三十里山勢逶迤欲盡又
二十里至羊角洲而彌望皆洲江流至此如枝之析分爲南江
北江所謂江有沱也以江心爲界北屬枝江南爲松滋地荊州

三省邊防備覽

卷六

右

三十一

記縣左右有數十洲盤布江中百里洲為最大羊角洲蓋即百
 里洲之首也二十里過松滋縣楚鳩茲邑晉咸康中廬江郡之
 松滋流民避亂至此僑置今縣遂因之桓沖鎮荊州移治上明
 城即此又五十里泊紅口即百里洲之營也一作馮口南岸曰
 采穴口

以下無險灘
故不具錄

